

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第六二冊

責任編輯：孫言誠 賀 偉

ISBN 7-5333-0535-3



9 787533 305352 >

2328/06

四庫全書存目叢書·史部六二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 44.75 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第六二冊目次

史部·詔令奏議類

臺省疏稿八卷

〔明〕張瀚撰

北京大學圖書館藏明萬曆元年吳道明刻本

..... 一

董宗伯奏疏輯畧一卷

〔明〕董傳策撰

北京圖書館藏明萬曆三十年董傳文刻本

..... 一八六

小司馬草六卷

〔明〕項篤壽撰

北京大學圖書館藏明刻本

..... 二一七

冲菴顧先生撫遼奏議二十卷

〔明〕顧養謙撰

上海圖書館藏明萬曆刻本

..... 三八六

臺省疏稿八卷

〔明〕張瀚撰

北京大學圖書館藏明萬曆元年吳道明刻

本

附《四庫全書總目·臺省疏稿

八卷》提要

臺省疏稿序

異日者廬州守謁余而請曰道明為諸生時遊今大冢宰元洲張公之門因緣得次公所為臺省疏草凡若干卷梓之郡庠以傳公雅知先生敢乞一言序之惟沐早官東廣嘗綴公末行後又謁公西湖上

序

間請質公平生經濟大略而不及詳今幸獲讀是編卒業則始矍然窺公之大又公舊督漕而余幸續貂尾實奉公成畫有餘庇焉其何敢辭竊惟

聖祖肇畫中原以京師建極臨四裔而撫之較齊形勝譬若常山之蛇

以關中為首據百二建瓴而下山東淮揚為脊轉輸通津要樞兩都間二廣為尾薄海南際險絕埤塹此其大都也諸方類設撫臣於三鎮尤重至於以一人備更三鎮則縉紳為稀數非文武具備有足毗倚者不是授也公由郎署駁歷藩

本

臬才名忠猷震海內身事

三朝浣被

眷篤故始者借公撫關中已又再至時公則闡謀懾虜增城通利水道設險漢中虜即效貢而隱然以陝為天塹所以起天下之首也比撫淮揚時公則督厲將士便轉輸移

農官撫茲凋殘炳然以遺後者成規百利所以強天下之脊也海寇方熾已又晉秩視師兩廣時公則鯨鯢尸於海狐鼠陳於陸遣將發卒收叛鋌巢蓋不啻洗而滌之所以收天下之尾也公所著績其大者在疏中而其應機即發發而密不可以語人者又不具於是焉今天子新政慎簡在庭尤以冢宰為百僚冠乃特召公於南司空而寄之銓軸嗟乎上方幸天下倚老成為治即意有所指必如公更嘗劇區明於掌上足供問對又

本

三

朝廷所倚三垂公皆敷澤而奏成焉
則人才之選授與道里國俗難易
相為劑品又宜莫如公者

天子深眷而用之重有以也往憶蕭
何收秦圖籍漢得具知天下阨塞
丙吉入相使東曹考案匈奴瑣條
具悉奏對稱旨公疏皆更居天下

序

四

兵食最大且重處而中又多急畫
可為世法者至於詞之雅醇悠懽
有陸贄劉向之思焉余以為如公
所疏列當藏之天府為後考證三
鎮制治者質券又非特如一家著
述私言必傳而已也覽者其以是
求之

時萬曆二年歲次甲戌春正月吉
賜進士出身通議大夫總督漕運軍
務巡撫都察院右副都御史臨海
王宗沐頓首書

序

五

刻大冢宰元翁張老先生奏議序、
士君子立人之朝懷竒傑瑰瑋之節
其所宣猷覃力者行也陳見効惻者
言也有可述之行則必有可紀之言
唐虞以降賡歌之風曠邈矣奏記之
形忠臣謀國者先之揆所從來漢始
稱盛賈生治安一書董子天人三策
尚矣他如劉向匡衡輩當元成之世

序

猶然論說不置其所上災異封事修
性正家等疏不下數十伯言然向之
說弗果行衡猶懷顧忌有所不盡言
者識者不免有遺論焉迨唐而有陸
敬輿之奏議藹然忠愛言與意俱深
得告君之體故後之論思獻納者咸
取資以為歸大冢宰元洲張翁名傾
動海內久矣道自束髮為諸生時親

翁所為時義舉子紫竊私淑矜式之
甫壯歲通籍行游燕越齊魯間每咨
訪先達芳輟令矩則又稔翁所設施
政事顧弗獲覲只高山之仰徒重自
約結胸臆壬申歲幸備員南臺時翁
適承

命來總憲事得朝夕侍左右砥磨譚述

一日翁出示疏稿若干篇道得受而

序

讀之輒掩卷作而嘆曰元洲翁真社
稷臣哉即立朝大節迺今得以親記
之矣昔宋司馬光進君道三劄自謂
平生力學所得盡在是翁之章疏奚
啻三劄其力學所得又自淵然深醇
然粹以懿也乃其忠義耿介天植其
性不可移易居嘗經畫天下事本之
神鑒遠而閱歷精是故其所指顧握

箕靡不悉當機宜如夫赴的而符合
節不爽尺寸迨夫操縱運量之妙用
則又不可揣摩而擬度之方翁之初
入仕也服官郎署兩守劇郡踐歷藩
臬晉秩臺省政行卓越殊絕所至焯
有聲績當是時翁所歆論列世故者
豈遂忘之哉顧匪伊言責攸係不歆
越俎言事即有奇安所自表見迨其

序

三一

開府仗節鉞臨戎而又畀之以經漕
治河所關皆

朝廷軍國重務豈惟翁所能行之耶言
責亦屬之矣翁乃殫心竭謨劑量緩
急凡所安內攘外一切時政大體悉
關白而後行之是故其籌邊有疏撫
夷有疏議征勦有疏廣儲峙有疏舉
贊紕不肖有疏至於成功告捷陳乞

謝恩罔不披歷於

君父之前其論事剴而切其建議辯而裁
其陳情懇而力雖其言與事殊而侃
侃譴論百慮一致即其中或有少置
論辯有不容辭口結舌者亦其直節
勁氣使然若其依回兩可則非翁性
所狎也翁每一疏入必舉手仰天祝
曰吾言得無有違者乎默而湛思無

序

四

憾而後即安其精白一心上帝臨之
明神鑒之矣假令敬輿而在與之比
肩竝足而立上下相伯仲誰復能有
所軒輊於其間者當翁之初出鎮也
自關中徙淮自淮徙兩粵兩粵頻年
來故多難寇盜充斥徵發旁午適茲
土者舉疾首蹙額翁獨處之夷猶晏
然以身擔之決策制勝坐收蕩平

纖毫皆翁力也當事者顧欲據其功
迨失事鼓鑿則又歸罪於翁翁終不
自白脫然謝柄去無何當寧諒其忠
天子嘉其績尋詔起之不踰年則又

簡任之以掌銓衡宅百揆

聖君賢相知人之鑒固自有在哉道嘗謂
翁如干將莫耶遇盤錯則剗割有餘
其堅石不渝如百鍊金久而愈莫能

本序

五

錄也觀其言自可槩見矣翁素博綜
群籍冥搜玄契以文學飾吏治嘗有
詩文集行於世風雅古偉遠追漢魏
其曰奚囊蠹餘者則翁所自名篇云
夫里夫巷士矢口謳陰雕虫小技楊
子雲所謂壯夫不為者曾何涉足作
者之途其間工拙無暇論即工亦什
伯之二三耳此不免覆瓿譏也然而

浸淫者且牛棟矣矧斯集也其所裨
益於理道世風良非淺鮮是胡可弗
梓之以廣其傳以貽四方同志之士
哉時廬州守吳君道明請於翁再三
吳君翁守大名時所甄拔門下士也
爰命鋟而刻之刻成吳君徵一言於
道序諸首簡道不自揆陋陋敬識其
雅所傾慕嚮往者如此云

本序

六

賜進士第文林郎南京河南道監察御史
松陵晚學陳王道頓首拜書

臺省疏稿目錄

卷之一 負謝等類

恭賀 登極疏

奉慰疏

賀冊立 東宮疏

謝陞陝西巡撫疏

總督漕運謝 恩疏

恭謝 頒恩疏

恭謝河工 頒恩疏

恭謝 欽賞疏

總督兩廣謝 恩疏

謝 恩疏

恭謝 欽賞疏

再撫陝西謝 恩疏

謝賞疏

南京掌院謝 恩疏

南京工部謝 恩疏

再謝 欽賞疏

乞 恩移贈疏

乞休疏一

乞休疏二

乞休致以謝人言疏

衰病乞休疏

衰病乞休再疏

應詔自陳疏

自陳疏

卷之二 前後關中類

議處邊藩祿糧疏

大虜盤據臨海官軍奮勇斬獲疏

議處財用以定經制疏

舉劾方面官員疏

舉劾有司官員疏

薦舉教職以防學政疏

舉劾武職官員疏

增修極衝邊垣墩堡報完疏

卷之三 前後關中類

議包執城以重省會復洪堰以興水利疏
邊惠稍寧及時大修邊政疏
酌議地方事宜以興治安疏
議裁續添兵將以節邊餉疏
酌議地方事宜以興治安疏
薦舉賢能官員請豁王親以備擢用疏
的議地方事宜以興治安疏
悉惻愚疏
卷之四 漕運類

中嚴運務疏
議釋高牆宗室疏
議專官以安地方疏
免空運以恤貧軍疏
暫免帶磚以恤運軍疏
議更運船以便官軍疏
勘報衝損糧船疏
查議卹典疏
議兩浙把總疏

舉劾有司疏
薦舉兵備官員疏
薦舉方面官員疏
薦舉教職疏
舉劾將領疏
舉劾武職疏
卷之五 兩廣類

請調將官東征疏
剿平流賊報捷疏
奏廣東失事疏
請留總兵官再疏
請釋閒宅廢人疏
擒獲賊首疏
會議軍餉征剿古田疏
明職掌以一正體疏
會留廣東錢糧疏
查叅失事將官疏
卷之六 兩廣類

海上擒獲捷音疏

海賊流劫議處防剿疏

鵬剿右江都亮功次疏

截殺山賊功次疏

發回安南夷目疏

查議開設新縣疏

議處剿賊事宜以便調遣疏

請行閩省併力夾剿海賊疏

卷之七 兩廣類

擒剿海洋巨寇大捷疏

議剿倭寇疏

議復梧鎮班軍疏

鵬剿右江涿里等處功次疏

勘議 王府宗室事情疏

參論總兵知府攻訐疏

議處有司官員疏

卷之八 兩廣類

擒斬積惡首賊捷音疏

將領激兵叛殺旋即計滅以安人心疏

官兵奮戰生擒倭王大捷疏

叛賊流毒地方調兵急剿疏

剿滅倭寇并擒叛賊首惡大捷疏

擒斬山海劇賊報功疏

薦舉方面官員疏

舉薦賢能教職官員疏

舉劾有司官員疏

舉劾武職官員疏

臺省疏稿卷之一

賀謝陳乞類

恭賀登極疏

伏以

龍飛啓運欣逢

聖作之期 鴻業丕承快觀 鴻新之命臣民

踴躍普率輝光恭惟

皇上恭儉溫良 聰明睿智 青宮毓德接三

皇五帝之傳 紫極重華紹

卷之二

聖祖神宗之統 天心克享 履泰登樞 神

器攸歸 乘乾御世謙撫三讓謳歌朝覲

歸心順效百靈 宗社人神有主建寅從

夏正頒萬年之玉曆適屆初元繼禹惟啟

賢際五百之昌期於斯為盛臣聯班臺省

方領役於南淮薦沐 恩波益馳心於北

闕拱隨星向誠效嵩呼伏願 繼明以照

四方麗日光天共荷維新之化 顯比以

親萬國滄溟紫塞同歸柔遠之仁 萬壽

無疆而金甌鞏固五氣順布而玉燭調和

臣無任瞻仰昇營之至

奉慰疏

隆慶元年正月十二日接到

大行皇帝遺詔欽遵開讀行禮外仰惟

皇帝陛下 大孝根心至情率禮值此終天之

戚豈勝罔極之哀竊惟

大行皇帝本 聖神文武之質垂 光前裕後

之業 功德之茂前古所稀 享國之長

卷之三

近代未有矧得壽已周乎甲子而繼志有

託於丕承 賓天之靈信無遺憾永思之

切似可自寬伏惟少抑 孝情勉承 遺

詔保順天地百神之主丕宏

祖宗列聖之基體

先皇屬望之心慰率土臣民之望臣無任懇切

願仰之至

恭賀 冊立 東宮疏

聖主乘乾麟趾協重熙之運 元良出震鴻圖

衍奕業之光前星騰瑞於微垣銀榜題宮
於仙嶠神人慶溢宇宙欣騰爰稽圖業延
長繩武推手誦聖上逮禹德無間立子肇
於啓賢商書載以貞之文非徒愛漢史
傳昇建之議惟在得人主器宗桃初海
徵歌重潤貳體宸極沔雷應位春坊陋
彼金玉之詞徒誇釋奠豈若典禮之正快
觀文華恭惟

皇上 至性天成 英謀神受任賢圖治尤屬

意於經筵敬天勤民更致嚴於郊祀政

先恭儉時敦容保之仁道擅經綸曲盡

財成之義茲值銓斯之方茂預貽燕翼之

深謀蘭殿呈祥藁文德武功之緒

青宮授冊率遠祖近宗之規名分定而邦本

不搖人心悅而王業彌固是誠宗社錫

祉祐啓

皇心乾坤合謀真安景祚播休光於八表洽和
暢於萬靈者也臣職繁炎荒心懸并闕

親鳳書之誕布遙增雀躍之忱望雞
戟之森嚴莫遂鵷班之遺跡遠心通感倍
歡均伏願養以聖功正士端人同為輔
弼學于古訓詩書禮樂用以周旋繼明
照於四方治平有象綿本支於百世德
澤無疆

謝陞陝西巡撫疏

伏念臣草莽寒士委瑣末流幸際聖明
蚤于祿秩郎署兩都垂十載瘼曠無裨奔

走四方二十年慚負尤甚勉循三尺敢畏

四知雖孤宗久歷崎嶇計圖報曾無分寸

自甘退伏何意甄收矧巡撫重臣係一方

之休戚而中丞憲職本羣吏之綱維地即

三秦語形勢素稱雄鎮治分八郡在疆圉

均屬要區豈期再造之餘榮薦奉九重

重之簡用茲蓋伏遇

皇上 道參天地化協唐虞統馭百靈鈞陶
萬彙肅清政本典憲式儆乎臣民洞

見物情幽隱莫逃于毫髮以故茅茹盡拔而葑菲不遺何異金玉斯宣而木石不廢遂令蹇鈍亦與驅馳恩寵既邁乎尋常砥礪敢踈於遲暮適屆秋防之候已嚴固鎮之行誓竭迂愚勉圖安懷倘涓埃之得效庶少酬高厚之恩縱才識有所拘亦畢殫犬馬之力

總督漕運謝恩疏

伏念臣用世菲才宦途多蹇閱歷雖久譽

卷二

五

望未孚誤蒙高厚之恩拔諸冗賤之役雍秦宣力經年僅自焦勞棘寺詳刑數月未諳法比遽登憲部獲亞六卿凡皆踰分之光榮已慙負乘何意方求之中寵有隕自天茲蓋伏遇

皇上乘離照以乘乾隱微畢見體咸虛而

顯比葑菲兼收遂令腐朽之根芟亦荷陽和之發育本以得人行政猥慚遺大撙艱念東南為西北之倉庾而盈縮繫本根之

虛實轉輸既關乎國計兵戎尤急於海防責任非輕迂愚易稱璽書恭捧寢食不遑臣敢不永矢素心益堅晚節值重華之運快覩惟均感荐晉之殊圖報彌切奉揚威命期振起乎漕綱單布

聖慈務安集乎田里淨氛侵於島嶼庶幾浩蕩無波化強禦為淳良行見太平有象幸酬夙願少答鴻休

恭謝頒恩疏

卷二

六

隆慶元年六月十五日欽奉

勅諭節開特賜侍郎兼都御史張瀚給與誥命狼山副總兵李錫紆絲二表裏叅政劉祐副使徐節俱給誥命誥命叅將顧承勲紆絲一表裏守備張崇董濤周桐狄從夏軍門中軍李夢孫把總秦泮孫世爵僕大有徐正達九思周文忠每員紆絲一疋欽此臣當即同叅政等官劉祐等望闕叩謝并將原賜李錫等十三員紆絲表裏頒給

各官咸祇領叩謝訖除臣等各應得誥命類咨吏部請給外伏念臣等服役江淮均慙尸素恭逢履泰共荷維新茲當臨御之初首渥臣鄰之惠既覃侍從亦及戎行深惟曠蕩之恩踈迹不遺乎寵異猥辱恩綸之渙光榮迥邁乎尋常封誥貴儒紳存歿仰龍光披拂推衣頒武弁被服皆鴻造裁成凡承大賚之自天深媿涓埃之未效儻幸致身之有日矢酬

卷一

七

高厚於無忘

恭謝河工頒恩疏

竊惟國家財賦仰給東南輸運帆檣必由河道每歲千艘萬石渡江淮以沂黃河從此浮濟入汶踰滄瀛而達通惠皆藉湔湔巨浸亦資導引原泉其中設隄岸以求其奔騰建閘壩以時其啓閉雖濬鑿排淪運用有賴於人謀而轉徙變遷緩急難調乎水性邇者徐沛數十里之間寢淫成滔

天之勢漕河故道壅塞漸高舟楫不通糧運遂阻致厯宵旰之慮廣詢論議之同乃命司空旋議開鑿積日累月糾工集財幸及功成新渠底定寔仰賴朝廷威德淪浹感孚是以地道靈通民悅趨事不疾而速能忘其勞也臣始謀未效後事無裨敢云稽督憂勤仰荷寵頒金幣出內帑之鄭重身媿比乎雙南分寶筭之綺紈誠祇勤於一縷臣敢不服以懷恩實之傳

卷一

八

世矢心報稱仰贊平成

恭謝欽賞疏

該兵部覆題為仰仗天威官兵奮戰飛報大捷等事節奉

聖旨欽賞廣東當事諸臣近該浙江巡撫衙門批差承差潘守禎赴京奏事具告禮部將賞銀二十兩紵絲二表裏領出本年六月初八日齎捧到臣當即望闕叩領訖伏念東粵遠在嶺海素非寧謐之區邇年